

Eftirfarandi skilmálar ná til:

Vörugeymslu, samninga um flutning vöru, vörudreifinu og tollskýrslugerð. Neðangreindir skilmálar gilda eftir því sem við á hverju sinni, enda sé ekki um annað samið sérstaklega. Gagnvart verkkaupa takmarkast skyldur, ábyrgð og réttindi TVG-ZIMSEN og verkkaupa við þær reglur sem fram koma hér að neðan.

I. kafli vöruhótel

1.0. Viðtökuskírteini

Við móttöku vöru í vörugeymslu skal TVG-ZIMSEN gefa út viðtökuskírteini þar sem fram kemur það vörumagn sem veitt hefur verið móttöku, þyngd hennar mál og stykkjafjöldi. Viðtökuskírteini gildir sem kvittun fyrir því vörumagni sem veitt hefur verið móttöku. Verkkaupi ábyrgist að upplýsingar á vörureikningi um vörumagn o.fl. séu réttar.

1.1. Upplýsingaskylda verkkaupa

Verkkaupi skal þegar vara er afhent í vörugeymslu, vera ábyrgur fyrir því að allar nauðsynlegar upplýsingar um geymslu og meðhöndlun vöru komi skýrt fram, s.s. frystivara o.s.frv. eða aðrar upplýsingar þurfi vara sérstaka meðhöndlun. Komi ekki fram beiðni um sérstaka meðhöndlun á vörunni, verður vörunni komið fyrir í geymslu sem haganlegast er miðað við ytri umbúnað hennar.

1.2. Hættuleg vara

Verkkaupi skal upplýsa TVG-ZIMSEN ef varan hefur að geyma hættuleg efni, eldfim o.s.frv., eða þarfnast á annan hátt sérstakrar meðhöndlunar. TVG-ZIMSEN áskilur sér rétt til að farga vöru fyrirvaralaust sem hætta stafar af, valdið hefur skemmdum á öðrum vörum eða er óhæf til geymslu.

Verkkaupi er ábyrgur fyrir greiðslu skaðabóta vegna tjóns á mönnum eða munum og öðrum kostnaði sem TVG-ZIMSEN verður fyrir vegna vanrækslu á upplýsingaskyldu verkkaupa samkvæmt grein þessari.

1.3. Bótagrundvöllur

TVG-ZIMSEN er ábyrgt fyrir skemmdum eða hvarfi á vöru meðan hún er í vörslu TVG-ZIMSEN, samkvæmt almennu skaðabótareglunni. TVG-ZIMSEN ber ekki ábyrgð á tjóni sem hlýst á vörum verkkaupa við framkvæmd verks í þágu hans, s.s. við flutning, lestun, losun eða afhendingu, nema tjón verði rakið til sakar starfsmanna TVG-ZIMSEN.

1.4. Ábyrgðartími

Ábyrgð TVG-ZIMSEN hefst við útgáfu viðtökuskírteinis samanber ákvæði nr. 1.0. og lýkur þegar verkkaupi, eða menn á hans vegum, kvitta fyrir móttöku vöru eða vara er afhent til flutnings samanber ákvæði nr. 1.10.

1.5. Fjárhæð bóta

Við ákvörðun bótafjárhæðar skal miðað við verðgildi vöru á tjóndegi og það magn og stykkjafjöldi sem tilgreint er í vörureikningi eða viðtökuskírteini samanber gr. 1.0. Ef um altjón er að ræða eða vara tynist skulu bætur þó aldrei nema hærri fjárhæð en tilgreind er í vörureikningi eða viðtökuskírteini að viðbættum flutningskostnaði og öðrum opinberum gjöldum sem lagðar hafa verið á vöruna við komu til landsins.

Ekki er tekin ábyrgð á afleiddu tjóni s.s. tapaðri markaðshlutdeild, missis álagningar eða tjóni vegna seinkunar.

Hafi TVG-ZIMSEN bætt vöru að fullu, áskilur félagið sér eignarrétt að vörunni. Vilji TVG-ZIMSEN ekki nýta sér þennan rétt, getur félagið krafist þess að verkkaupi fjarlægji vöruna á sinn kostnað.

Um fjárhæð bóta vegna hlutatjóns fer samkvæmt almennum reglum, með þeirri undantekningu varðandi afleitt tjón sem að ofan greinir. Þá skulu bætur vegna hlutatjóns aldrei nema hærri fjárhæð en ef varan hefi eyðilaggst.

Ekki eru greiddar bætur vegna fornmunaverðmætis, tilfinningarlegra verðmæta eða annarra sérstakra verðmæta, nema um það hafi verið sérstaklega samið og verðmæti vöru tilgreint í viðtökuskírteini skv. gr. 1.0.

1.6. Ábyrgðartakmörkun

Þrátt fyrir ákvæði nr. 1.5, skal TVG-ZIMSEN aldrei gert að greiða hærri skaðabætur en kr. 1597 á hvert brúttókilógramm vöru, sem tapast hefur skemmst eða rýnað.

Ákvæðum þessum um ábyrgðartakmarkanir skal beita hvort heldur krafa byggir á samningi eða á ábyrgð utan samninga. Þá gildir ábyrgðartakmörkunin þó tjón verði rakið til gáleysis TVG-ZIMSEN eða manna sem þeir bera ábyrgð á. TVG-ZIMSEN getur ekki borið fyrir sig ábyrgðartakmörkun samkvæmt þessari grein, ef það sannast að félagið eða menn sem það ber ábyrgð á samkvæmt almennum reglum hafi valdið tjóninu af ásetningi eða stórfelldu gáleysi. Hámarksupphæð þessi skal breytast í samræmi við breytingar á vísitölu neysluverðs án húsnæðis frá því sem hún var í janúar 1996.

Almennir skilmálar TVG-Zimsen

1.7. Ábyrgðarleysis ástæður

TVG-ZIMSEN ber ekki ábyrgð á tjóni sem stafar af neðangreindum ástæðum (upptalning er ekki tæmandi):

- Bruna, vatnstjóni eða þjófnaði, sbr. ákvæði 1.11 um váttryggingar.
- Mistökum eða vanrækslu verkkaupa eða manna á hans vegum.
- Meðferð, lestun, hleðslu, eða losun vöru sem verkkaupi eða einhver á hans vegum framkvæmir.
- Röngum eða ófullnægjandi upplýsingum eða merkingu á vöru
- Alvarlegum ófyrirsjáanlegum atburðum (force majeure), svo sem ófriði, geislavirkni, uppbotum, verkföllum, náttúruhamförum o.þ.h.

1.8. Ábyrgð verkkaupa og skyldur

Þegar töllyfirvöld eða aðrir opinberir aðilar hafa gefið sérstök fyrirmæli um merkingu, pökkun, tollskýrslugerð o.fl. um tiltekna vörur er verkkaupa skylt að sjá til þess að þeim fyrirmælum sé fullnægt.

Þá er verkkaupa skylt að bæta TVG-ZIMSEN allt tjón sem rakið verður til neðangreindra ástæðna (upptalning er ekki tæmandi):

- Upplýsingar varðandi vöru voru rangar eða ófullnægjandi.
- Umbúðir vöru, eða merkingar voru ófullnægjandi.
- Vara hafði skaðvænlega eiginleika í för með sér, sem ekki var ar sanngjarnt að ætlast til að TVG-ZIMSEN gerði sér grein fyrir.
- TVG-ZIMSEN sé gert skylt án sakar samkvæmt skilmálum þessum, að greiða tolla, önnur opinber gjöld, eða verði gert að bæta tjón til þriðja aðila.

1.9. Tilkynningarskylda verkkaupa

Verkkaupi skal tilkynna TVG-ZIMSEN strax við móttöku um skemmd eða rýrnun vöru enda sé hún sjáanleg, að öðrum kosti skal verkkaupi senda TVG-ZIMSEN kvörtun innan sjö daga frá móttöku vöru. Sinni verkkaupi ekki þessari skyldu sinni, skal lítið svo á að vara hafi verið óskemmd við afhendingu til verkkaupa.

1.10. Lok vörsluábyrgðar TVG-ZIMSEN

Þegar TVG-ZIMSEN annast flutningsmiðlun í þágu verkkaupa sbr. ákvæði. 2.0., lýkur vörsluábyrgð TVG-ZIMSEN þegar vara er afhent flytjanda til flutnings.

Í öðrum tilvikum lýkur vörsluábyrgð TVG-ZIMSEN þegar:

- Verkkaupi eða maður á hans vegum kvittar fyrir móttöku vöru.
- 15 dögum eftir að skrifleg tilkynnig hefur verið send verkkaupa um lok samnings vegna uppsagnar eða riftunar.

1.11. Váttryggingar

Allar vörur sem afhentar eru til geymslu á umráðasvæði TVG-ZIMSEN skulu vera váttryggðar gegn brunu, vatnstjóni og þjófnaði. Váttrygging þessi skal taka til verðmætis vöru eins og það er tilgreint í vörureikningi eða viðtökuskírteini samkvæmt ákvæði 1.0, auk aðflutningsgjalda og vörugjalda samkvæmt tollalögum nr. 55/1987 og laga um vörugjald nr. 97/1987. Fullnægjandi váttryggingarskírteini þessa efnis skal verkkaupi sýna TVG-ZIMSEN þegar vara er afhent til geymslu. TVG-ZIMSEN getur hvenær sem er meðan varan er á umráðasvæði félagsins óskað eftir upplýsingum um hvort váttryggingarskírteini er ennþá í gildi.

Komi í ljós eftir að vara hefur verið afhent, að verkkaupi hefur vanrækt að halda váttryggingarskírteini í gildi, áskilur TVG-ZIMSEN sér heimild til að váttryggja vöruna, á kostnað verkkaupa, eða til að segja upp geymslusamningi með 15 daga fyrirvara. Kostnaður TVG-ZIMSEN vegna váttryggingariðgjalda skal greiddur hvenær sem TVG-ZIMSEN krefst þess, í síðasta lagi þegar vara er afhent úr vörugeymslum TVG-ZIMSEN.

1.12. Fyrning

Allar kröfur sem rísa kunna á hendur TVG-ZIMSEN, fynrast á einu ári frá því að:

- Verkkaupi eða menn á hans vegum kvitta fyrir móttöku vöru í vörugeymslum TVG-ZIMSEN.
- TVG-ZIMSEN afhendir flytjanda vöru til flutnings, sbr. 1. mgr. greinar 1.10.
- Samningi lýkur uppsögn, sbr. b lið, 1. mgr. greinar 1.10.

Almennir skilmálar TVG-Zimsen

II. kafli. Flutningsmiðlun (Vörudreifing)

2.0. Flutningsmiðlun (Vörudreifing)

TVG-ZIMSEN tekur að sér flutningsmiðlun (vörudreifingu) samkvæmt beiðni verkkaupa. Komi ekki fram krafa um sérstakan flutningsmáta er TVG-ZIMSEN heimilt að velja þann flutningsmáta sem heppilegastur er og venjulegastur hverju sinni.

Þegar TVG-ZIMSEN annast flutningsmiðlun fyrir verkkaupa kemur félagið fram gagnvart flytjanda sem umboðsmaður verkkaupa.

2.1. Ábyrgðargrundvöllur

TVG-ZIMSEN ber enga ábyrgð á tjóni sem verkkaupi kann að verða fyrir vegna mistaka flytjanda við flutning vörunnar, lestun hennar, losun, geymslu, innheimtu gírókrafna eða annarrar þjónustu sem flytjandi framkvæmir fyrir verkkaupa, nema sýnt sé fram á að TVG-ZIMSEN hafi sýnt af sér vanrækslu við val á flytjanda.

Um ákvörðun bótaskyldu TVG-ZIMSEN og bótafjárhæð gilda ákvæði 1.3 - 1.9 að báðum meðtöldum.

III. kafli. Ábyrgð TVG-ZIMSEN sem farmflytjanda

3.0. Ábyrgðartími

Gefi TVG-ZIMSEN út fylgibréf (farmbréf) í eigin nafni ber félagið ábyrgð á flutningum sem farmflytjandi (flutningsábyrgð).

3.1. Ábyrgðargrundvöllur

Hafi ekki verið sérstaklega um annað samið skal um ábyrgð TVG-ZIMSEN sem farmflytjanda fara eftir þeim lögum sem um slíkan flutning gilda og þeim skilmálum sem koma fram á farmbréfi því sem gefið er út við samning um flutning vörunnar.

Í landflutningum gilda lög nr. 24/1982 um flutningasamninga og ábyrgð við vöruflutninga á landi.

Í loftflutningum gilda lög nr. 34/1964 um loftferðir.

Í sjóflutningum gilda lög nr. 34/1985, Siglingalög.

3.2. Vöruflutningar á landi

Í vöruflutningum á landi með bifreiðum skulu ákvæði laga nr. 24/1982 um flutningasamninga og ábyrgð við vöruflutninga á landi gilda, hvort sem um flutning vöru á milli landshluta er að ræða, eða um flutning vöru innanbæjar.

3.3. Samsettir flutningar

Sé um samsettan flutning að ræða, skal um ábyrgð TVG-ZIMSEN sem flytjanda ætíð fara eftir lögum nr. 24/1982 um flutningasamninga og ábyrgð við vöruflutninga á landi, nema það sannist að tjón hafi átt sér stað meðan farmur var fluttur með öðru flutningatæki.

3.4. Ábyrgðartakmörkun

Athygli verkkaupa er sérstaklega vakin á því að ábyrgð flytjanda samkvæmt ofangreindum lögum í grein 3.1. er takmörkuð verulega. T.d. þannig að í:

1. Sjóflutningum takmarkast ábyrgð flytjanda við 667 SDR fyrir hvert stykki eða flutningseiningu eða 2 SDR fyrir hvert brúttókíló vöru.

2. Landflutningum takmarkast ábyrgð flytjanda við kr. 150,00 fyrir hvert brúttókílógramm í vörusendingu.

3. Loftflutningum takmarkast ábyrgð flytjanda við kr. 37,00 á hvert kg vöru.

Þá er fyrningartími skaðbótakrafna samkvæmt ofangreindum lögum styttri en almennt er. Þannig fyrnast skaðabótakröfur byggðar á Siglingalögum á einu ári frá því vöru var skilað eða bar að skila. Skaðabótakröfur byggðar á lögum um vöruflutninga á landi fyrnast á einu ári frá því að móttakandi kvittar fyrir vöru, eða á einu ári og tveimur mánuðum frá því að vara var afhent til flutnings, sé ekki um kvittun móttakanda að ræða. Kröfur byggðar á lögum um loftflutninga fyrnast á tveimur árum frá því að loftfar kom á ákvörðunarstað, eða frá þeim degi sem loftfar skyldi koma á ákvörðunarstað, eða frá því að flutningur stöðvast. Er verkkaupa bent á að kynna sér lög þessi.

Almennir skilmálar TVG-Zimsen

IV. kafli. Tollskýrslugerð og önnur skjalagerð

4.0. Tollskýrslugerð

TVG-ZIMSEN tekur að sér gerð aðflutningsskýrslu fyrir viðskiptavini sína samkvæmt beiðni. Verkkaupi ábyrgist að upplýsingar sem hann hefur gefið TVG-ZIMSEN vegna þessarar þjónustu séu réttar og lögum samkvæmt.

4.1. Endurákvörðun aðflutningsgjalda

Verði TVG-ZIMSEN eftir að vara hefur verið tollafgreidd, krafið um greiðslu aðflutningsgjalda, tollur eða önnur gjöld endurákvörðuð, ábyrgist verkkaupi endurgreiðslu á þessum gjöldum til TVG-ZIMSEN.

V. kafli. Almenn ákvæði

5.0. Haldsréttur

Greiði verkkaupi ekki geymslukostnað vöru, flutningskostnað, þóknun fyrir tollskýrslugerð, aðflutningsgjöld, váttryggingariðgjöld samkvæmt 1.11., eða annan sannanlegan kostnað sem TVG-ZIMSEN hefur haft af umönnun eða umsýslu vöru, skal TVG-ZIMSEN hafa haldsrétt í vörum verkkaupa til tryggingar þeim kostnaði. Skemmist eða týnist vara án sakar TVG-ZIMSEN, samkvæmt skilmálum þessum, áskilur TVG-ZIMSEN sér samsvarandi rétt og ofan greinir til bótagreiðslna frá váttryggingarfélögum eða öðrum sem ábyrgð bera á tjóni. TVG-ZIMSEN áskilur sér rétt til að selja vörur verkkaupa fyrir ofangreindum kostnaði. Áður en TVG-ZIMSEN notfærir sér rétt sinn samkvæmt grein þessari skal félagið senda verkkaupa skriflega tilkynningu, þar sem fram komi að vara verði seld fyrir áföllnum kostnaði innan 14 daga, frá dagsetningu tilkynningar, verði krafa félagsins ekki greidd.

5.1. Notkun verkkaupa á lyfturum og öðrum tækjum TVG-ZIMSEN

Verkkaupi ábyrgist allt tjón sem stafar af notkun hans eða manna á hans vegum, á lyfturum og öðrum tækjum í eigu TVG-ZIMSEN og til ráðstöfunar eru fyrir verkkaupa.

Verkkaupi skal ábyrgjast að hann eða menn á hans vegum hafi tilskilin leyfi, sem gerð eru af yfirvöldum til notkunar þessarra tækja, svo sem lyftara o.fl.

Verði TVG-ZIMSEN gert skylt að bæta tjón sem stafar af mistökum verkkaupa, skal TVG-ZIMSEN eiga endurkröfurétt á hendur verkkaupa fyrir tjónsfjárhæð og kostnaði. Ef verkkaupi á vörur í geymslum TVG-ZIMSEN skal félaginu heimilt að beita ákvæðum greinar 5.1. til tryggingar þeim kostnaði sem félaginu kann að verða skylt að greiða.

5.2. Vanefndaúrræði

Vanefni verkkaupi skyldur sínar samkvæmt skilmálum þessum verulega eða samningi á þeim byggðum, skal TVG-ZIMSEN heimilt að rifta samningi án fyrirvara.

Ef vanefndir verkkaupa eru ekki verulegar, skal TVG-ZIMSEN heimilt að segja samningi upp með 15 daga fyrirvara. Skal tilkynning þess efnis send verkkaupa á sannanlegan hátt, þar sem skorað skal á hann að bæta úr annarkanum innan ofangreinds frests að öðrum kosti falli samningur niður og þar með öll ábyrgð TVG-ZIMSEN á vörum verkkaupa.

Í öðrum tilvikum en að ofan greinir skal TVG-ZIMSEN heimilt að segja samningi upp með þriggja mánaða fyrirvara.

5.3. Sérstök ákvæði

Verkkaupa er kunnugt um að heimild TVG-ZIMSEN til starfrækslu á almennri tollvörugeymslu og reksturs frísvæðis er samkvæmt sérstöku leyfi yfirvalda, sem veitt er á grundvelli tollalaga nr. 55/1987 og reglugerðum settum samkvæmt þeim lögum. Er verkkaupa bent á að kynna sér þessar reglur. TVG-ZIMSEN tekur enga ábyrgð á óþægindum, kostnaði eða öðru tjóni sem verkkaupi kann að verða fyrir, vegna framkvæmdar yfirvalda á grundvelli laganna eða breytinga á þeim.

Sérstaklega skal á það bent að samkvæmt 3. mgr. 74. gr. áður tilvitnaðra laga, skal tollafgreiða vöru endanlega innan þriggja ára frá komudegi flutningsfars til landsins, nema ráðherra ákveði annan frest með reglugerð.

Skal öll ábyrgð TVG-ZIMSEN á vörum verkkaupa í tollvörugeymslu falla niður í síðasta lagi á þeim tíma, hafi samningur ekki áður fallið niður fyrir uppsögn eða riftun.

5.4. Varnarþing

Mál vegna skilmála þessarra og samninga á þeim byggðum skulu rekin fyrir Héraðsdómi Reykjavíkur.